

景明刻本紀錄彙編

五五

02 核 點

081.3

128

:53

紀錄彙編卷之一百五十七

鳳洲雜編四

王世貞

科目

國朝尊尚儒教科目日重百餘年來非從此出者輒以爲異路不得登庸顯矣按洪武三年庚戌始開科鄉舉士就試者百二十三人中式者七十二主考則御史中丞劉基治書侍御史秦裕伯同考則翰林侍讀學士詹同弘文館學士睢稼起居注韶鳳尚寶丞吳潛國史宋濂而序凡出於濂中未及會試者悉授

官

洪武四年京畿試士

鄉試兵部尚書吳琳國子司業宋濂仍爲序尋合諸省之士會試

會試凡二百人中式者百二十人知貢舉官特進中書省右丞相忠勤伯汪廣洋左丞相胡惟庸主文則禮部尚書陶凱前翰林侍講學士潘庭堅主考則翰林侍讀學士詹同國子司業宋濂吏部員外郎原本前貢士鮑恂掌卷吏部侍郎顧貞監試御史孔希魯宋圭提調兼印卷禮部尚書楊訓文同印則中書左

司郎中孫煜祖同提調禮部侍郎秦文繹禮部主事
姜漸受卷吏部主事林光弼彌封兵部主事許方騰
錄蘇州教授貢穎之對讀翰林應奉文字唐肅禮部
主事孟兼此外有監門搜檢巡綽鎮撫供給主事及
掌行科舉文字省掾令史供給奏差等官廷試總提
調則前汪廣洋胡惟庸讀卷祭酒魏觀博士孫吾與
給事中李顧修撰王僎監試御史馬貫徐汝舟掌卷
工部員外郎牛諒受卷工部主事周寅彌封秘書監
丞陶誼對讀尚寶丞魏潛編修蔡玄提調前陶凱楊
訓文及以散官攷之則尚書祭酒正三品侍郎侍讀

學士正四品給事中從四品左司郎中司業正五品
員外正六品主事修撰應奉正七品編修秘書丞正
八品官秩不同故詳記之

是歲狀元授員外郎及第出身俱授主事同出身授
縣丞會元亦授縣丞而高麗一生亦與焉曰金濤三
甲第五名後歸國爲相儒籍六十三人

甲子重定三場程試及三年大比之制

是秋京闈中試者尋國子生 上悅命有司出榜原
籍旌之次年乙丑會試黃子澄第一練子寧次之花
綸又次之綸浙江解元也及廷試花綸第一子寧次

之子澄又次之既啓封 上自以夢故用丁顯爲狀
元子寧如故綸第三抑子澄三甲爲庶吉士然三人
俱授脩撰亡何亦擢子澄脩撰云

襄陽任

戊辰會試以蘇伯衡李叔荆爲會試考官擢任泰亨
第一命有司於襄陽建狀元坊旌之泰亨甚被 上
寵任每召議手書襄陽任而不名後自禮書謫御史
連科狀元出太學

辛未天下會試六百六十人中式三十一人廷試賜
許觀及第時年二十八張顯宗次之吳言信又次之

上以連科狀元出太學召祭酒宋訥向褒諭焉

張信杜詩

甲戌狀元張信信定海人也爲侍讀後坐以教韓王
寫杜詩含詭刺及勅稿削御製一語得罪復以考試
事誅

中原西壯士子無登第

丁丑會試考官學士劉三吾吉府紀善白信蹈取宋
琮等五十一人中原西北士子無登第者入對閩縣
陳郊爲首吉安尹昌隆次之會稽劉諤又次之下第
者以三五等南人爲言 上怒命儒臣再考落卷中

文理長者第之於是侍讀張信侍講戴彞右贊善王
俊華司直郎張謙司經校書嚴叔載正字董貫長史
黃章紀善周衡蕭楫及郟昌隆諤人各閱十卷或言
劉白囑信等以陋卷進呈 上益怒親賜策問韓克
忠等六十一人及第有差主考信等俱磔殺之三五
以老成郟諤安置威虜唯赦戴彞尹昌隆郟諤取回
復殺之

是歲得人最彑

唐辰廷試王良當第一貌不及胡廣且廣策斥親藩
上遂擢第一改名靖是歲得人最彑如廣及二楊

胡濙俱登顯要爲名臣而良能夠節尤可重也

二十八宿

癸未以 太宗渡江明年甲申會試是歲開科取楊相等四百七十二人廷試 上命採天文律曆禮樂制度爲問欲以求博洽之士惟魯滌卷獨詳 上喜御批貫通經史識達天人有講習之學有忠愛之誠權魁天下昭我文明尚資啓沃惟良顯哉第二第三周述周孟簡從昆季也亦皆有御批褒許之辭既第選楊相等二十五人及滌等三人進學翰林曰二十八宿周忱自陳年少有志進學特許之時人謂之族

宿

取副榜舉人

丙戌賜林環等及第取副榜舉人廷試之擢周翰等三人進學翰林餘除學官

翰林主考之始

十五年兩京始專命翰林主考

詔天下舉人會試

乙未始詔天下舉人會試北京考官梁潛析卷得第一名曰陳循其鄉人也避嫌故改置第二而擢林文稭既又以稭字難識定洪英第一第五王翺者鹽山

人也 上喜得畿輔士以布衣召見賜酒食既廷試復擢陳循第一賜宴行後軍都督府第三名陳景著年十八後乞恩改本府教授終

唱名莫應

戊戌賜進士李騏等及第騏初名馬 上爲改之唱名莫有應者 上爲道其故乃出

孫暴邢寬

甲辰賜邢寬等及第 上初取第一孫曰恭也嫌其名近暴曰孫暴不如邢寬遂擢寬第一梁禔第二曰恭第三俱用朱書填黃榜遠近稱異事云

舉人稱貢士

宣德庚戌會試錄禮部尚書稱總提調兼知貢舉革掌行科舉文字執事官由舉人稱貢士稍不同

上書願得一劇職

癸丑賜進士曹鼐等及第先鼐舉貢士爲學官上書願得一劇職自效改泰和典史力學不廢以解糧至京與試果中第二人 廷試復第一人十年之內至相位矣是歲用致仕大學士黃淮主考淮以謝恩至周旋儀貌何如

丙辰賜進士周旋及第或云首揆旣取三卷未定問

同事者曰有識周旋否狀何如或曰白而偉蓋疑謂淳安周瑄也遂首旋旣傳臚貌甚侵爲之悵然

小錄

會試錄亦稱小錄見於壬戌禮侍王英序是年同考則有末新知縣陳員韜京衛武學教授紀振俱進士岐陽縣教諭彭舉中試十二名都察院吏三十三名南昱刑部吏一百二十一名鄭溫松陵驛丞

天字稱莧字

乙丑葉侍郎盛云是科會試登科錄天子皆稱莧字今考部本不然以爲葉傳聞之誤然不知葉乙丑進

士豈有誤理或部本翻刻未可知也

教諭同考

戊辰年同考二教諭一訓導辦事官舒庭謨中一百二十五名

王越卷飛上天

景泰辛未知貢舉官胡濙楊寧俱禮部尚書主考脩撰林文同考廣東叅政羅崇本教授學正訓導各一
是歲廷試王越卷飛上天復給卷足成之或云墮於
朝鮮次歲進還 上悅擢越御史

閱三科爲正科

甲戌考試官商輅輅正統乙丑進士閱三科爲正科
已任兵部左侍郎兼翰林院學士左春坊大學士同
考則侍講兼中允楊鼎贊善兼檢討錢溥皆已未也
先一年奏准會試考官翰林春坊專之其京官由科
第有學行者兼取以充而郡縣教職爲同考官絕矣
受卷彌封對讀則用州邑正官爲之

金狀元銀榜眼鐵探花

一甲三人孫賢徐溥徐轄各以貌色稱有金狀元銀
榜眼鐵探花之目

詩戲題目之誤

天順丁丑薛文清以內閣呂文懿以通叅侍講爲主
考同考則尚寶少卿錢溥司丞李泰翰林典籍徐似
蓋官制也是科最號嚴整然外人有以詩戲之者如
所謂薛瑄性理難包括錢溥春秋沒主張問仁既已
無顏子告祭如何有大王皆指摘題目之誤至謂總
兵令姪獨軒昂蓋謂取石亨從子後也

不稱囊三木

庚辰閻禹錫以國子學正爲同考是科有下第舉人
訴學士呂原中允柯潛私徇顛倒者 上試之不稱
囊三木禮部以徇

會試大火

癸未二月當會試日大火焚死者九十餘人餘及主
試官俱踰越墻壁以出 上憐之贈死者進士出身
八月再試取吳鉞等二百四十七人明年 廷試初
命學士陳文柯潛再命學士彭時錢溥

刻五經程文

成化丙戌五經各刻文三篇二場刻詔 廷試賜羅
倫及第未一月即上扶植綱常疏貶官乙未賜謝遷
及第或云王鏊以鄉會元有盛名復當第一矣閣老
商公抑之置第三

得策擊節賞

戊戌賜曾彥及第或云先一日其閣老萬公得彥策擊節賞使人覘之美而長大也擢第一陞傳見彥老而多髭且短甚不稱萬惘然退取彥策讀之平平耳

取士分南北卷

丁未尹閣老直主考序稱宣德丁未大學士楊士竒議會試取士分南北卷北四南六旣而以百乘除各退五爲中數是年以言者又各退二以益中數云

問策秘人罕知

弘治己未會試大學士李東陽侍郎程敏政爲主考

敏政問策秘人罕知者其故所暱門生徐經平日窺得之爲其同年解元唐寅說至是各舉答無遺因自矜且得上第給事中華杲林廷玉論之與敏政俱下獄按問經自誣服購敏政家人得之獄成敏政奪職經寅俱爲民

焚香求才

乙丑廷試 上焚香籲天后宮期得真才以資實用
劉瑾片紙書姓名

正德戊辰大學士王鏊尚書梁儲主會試相傳劉瑾以片紙書五十人姓名欲登第因開科額三百五十

人

焦芳爲題名記

廷試賜呂柟等及第時焦芳子黃中二甲第一劉宇子劉仁第四皆瑾黨也因刻黃中及三甲第一人胡纘宗策俱授翰林檢討改仁庶吉士踰月超擢黃中仁爲編脩再進侍講而焦芳爲題名記盛稱所改之制爲當後瑾誅黃中仁爲民纘宗亦坐貶

李文正先以策示慎

辛未賜楊慎等及第慎傳相廷和子也相傳時制問俱首相擬上李文正先以策示慎策遂冠一榜云

彌封官不得送卷

嘉靖丙戌賜龔用卿及第先是舉人廷試納卷之日彌封官以會試首列數卷潛送內閣以備一甲之選或內閣密覘狀頭儀貌及生平有聲者閱卷官出自東閣歸宿私第是歲禮部尚書席書疏其弊乞彌封官不得與送卷讀卷官退朝直宿禮部詔曰可著爲令

御批品題卷首

己丑廷試大學士楊一清等以羅洪先程文德楊名唐順之陳東任瀚六卷進覽上一一品題卷首各御

批于洪先曰學正有見言謹而意必忠宜擢之首者
于文德曰探本之論十名曰能守聖學以爲本此知
要之說于順之曰條論精詳殆盡於束曰仁智之用
本諸吾心此不易之說于瀚曰勉吾敬一之爲主忠
哉

大欽破文格而文氣甚奇

壬辰賜林大欽等及第先是禮部尚書夏言上疏請
正文體諸刻意騁詞浮誕燦裂壞文體者擯不得取
詔可旣 廷試言復令儀制郎中約束諸士咸拱聽
而大欽實後至不聞也起不用對目而文氣甚奇吏

部尚書汪鉉得之詫曰恠哉以示大學士張孚敬先
已定二卷覽之曰雖破格甚明健可誦也取爲第三
既呈覽上御批改第一

上於進呈卷俱悉批答

乙未廷試大學士李時等以十二卷進覽上俱批答
曰卿等以堪作一甲卷十二束呈朕各覽一週其上
一卷說的正合策題夫周道善而備朕所取法其上
三說仁禮爲用夫仁基之禮成之亦甚得其意其上
四論仁敬夫敬而能仁他不足說可以保治矣其上
二畧泛而滯於行其下而却似謹雖與題不合言以

時事故朕取之可二甲首餘以次挨去不知是否卿
可先與言鼎臣看一過再同讀卷官看行

上復御批首三卷

上復御批首三卷韓應龍曰是題本意可第一甲第
一名于孫陞曰說仁禮之意好可第二名于吳山曰
敬爲心學之極此論好可第三名是歲併李璣趙貞
吉敖銑郭朴任瀛沈宏駱文盛尹臺康大和九人策
皆刻之

言官劾科舉私徇

甲辰主考禮部尚書張潮左春坊左庶子江汝璧時

潮卒於貢院輿屍出考試唯江一人而後序則屬之
同考脩撰茅瓚是歲少傳崔鑾二子汝孝汝儉俱登
第廷試以進呈卷上疑有崔氏子在首甲因抑第一
卷置第三第三卷置二甲第四而拔秦鳴雷爲狀元
言官劾科舉私徇置

詔獄問江及編修歐陽暎閒住少傅
及二子編修彭鳳進士崔奇勛焦清爲民員外部高
節謫戍進士彭謙死杖下御史沈玠王越外任

欽賜舉人

景泰中北京鄉試陳循王文以考官劉儼呂原抑其

子訴於上謂儼私解元徐經及所取士顛倒實不私也詔復試如初定然難陳王二相特各許其子會試時謂之欽賜舉人

欽降秀才

癸卯年北京冒籍者翟鍾玉丁子載等俱發原籍肄業時謂之欽降秀才二事正相對云

登科錄書伯叔祖父官秩

天順以前登科錄凡伯叔祖父有官秩者俱得書今不復矣戊辰李泰書父末昌司禮監太監甲戌牛綸書叔王司禮監左監丞泰末昌養子也後俱拔入翰

林泰至詹事綸至太常少卿

讀卷凡三伯

天順元年讀卷凡三伯武功伯掌內閣靖遠伯掌兵部與濟伯掌鴻臚

十知貢舉

大學士嚴嵩禮部尚書胡濙

十爲讀卷

吏部尚書蹇義王直

三主考會試者

徐溥曾榮

二主考會試者

黃淮楊士竒王直王英錢習禮呂原萬安劉吉彭華
吳寬李東陽王鏊梁儲靳貴石珪張潮張治

閣臣出主會試者

胡廣黃淮楊士竒黃淮高穀商輅薛瑄呂原彭時劉
定之萬安劉吉尹直徐溥謝遷李東陽王鏊劉忠梁
儲靳貴賈詠張璁張治徐階李本李春芳凡二十六
人

同考官秩太於主考者

庚戌侍講學士陳循同考大常少卿魏驥戊辰修撰

林文同考侍講劉儼

致仕主考者

黃淮

不由科目者

楊士奇

師弟同爲考試者

陳魏及尚書溫仁和學士張洵

恩宥錄

浦江義門鄭氏有恩宥錄予節其畧筆之以

見 祖宗風厲天下之意

洪武十四年爲內藏金銀事發連鄭氏以義門故釋之家長鄭濂鄭湜而見擢湜福建左叅政吏部奏無見缺添設左叅議授之二十六年詔鄭氏子第三十以上者未見擢鄭濟左春坊左庶子伴太孫三十年起取天下稅戶鄭沂入見授禮部尚書以其從子榦爲御史未樂十二年御史七十二歲進平胡詩稱肯乞歸上曰教翰林院寫策書禮部宴他用正官陪教坊伎樂陞辭賜金繡衣褚帛榦舉從子焄可用上曰御史舉也除御史後累遷大理寺丞未樂十七年北京初受賀致仕御史榦及弟致仕長史楷來朝

賜宴及褚幣與爲善陰隲二部 上曰他家人多與
二十部十九年翰林檢討鄭叔美以告病例爲民
仁宗立與子弟來朝 上顧長者非鄭檢討乎何爲
冠平巾呂震以故對 上特詔予冠帶致仕各賜鈔
二千貫給驛舟還家

設四輔官

高皇帝設四輔官均職四季以上中下三旬人各司
之驗雨暘時若春三月李祐司皆中甸十日龔敷司
皆下甸十日夏三月杜敷司皆上甸十日吳源司皆
中甸十日趙民望司皆下甸十日秋冬如之各兼太

子賓客班列公侯都督之次尚書之上又有與四輔游東苑倡和詩不載

國朝實錄

太祖實錄末樂初命曹國公李景隆監脩戶部尚書夏原吉學士解縉禮部尚書李至剛總裁再命原吉及太子少師姚廣孝監脩學士胡廣楊榮總裁太宗仁宗實錄英國公張輔少師蹇義少保夏原吉監修少傅楊士奇太子少傅楊榮太子少保金幼孜總裁太常卿楊溥爲副總裁大學士陳山張瑛續總裁宣宗實錄英國公張輔監修少傅楊士奇楊榮

尚書楊溥總裁少詹事王直王英爲副總裁 英宗
實錄會昌侯孫繼宗監修少保李賢尚書陳文彭時
總裁少卿劉定之吳節爲副總裁 憲宗實錄英國
公張懋監修少傅劉吉尚書徐溥侍郎劉健總裁尚
書丘濬少詹事汪諧爲副總裁 孝宗實錄初俞少
師劉健李東陽少傅謝遷總裁吏部侍郎張元禎詹
事楊廷和學士劉忠爲副再俞東陽少傅焦芳王鏊
少保楊廷和總裁尚書梁儲爲副而監修則仍公懋
武宗實錄則定國公徐光祚監修少師楊廷和少
傅蔣冕毛紀少保費宏總裁後廷和冕紀皆去申俞

宏及少師楊一清少保石珪賈誼尚書石珪毛澄侍
郎羅欽順爲副後增侍郎吳一鵬

紀錄彙編卷之一百五十八

鳳洲雜編五

王世貞

將軍之制有三

宗室郡王下鎮國將軍秩正一品輔國將軍正二品
奉國將軍正三品散階龍虎上將軍金吾將軍驃騎
將軍正二品奉國定國鎮國從二品昭武昭勇昭毅
正三品安遠定遠懷遠從三品廣威宣威明威正四
品信武顯武宣武從四品武節武德正五品武毅武
畧從五品其官不過左右都督同知僉事正副留守

都指揮使同知僉事指揮使同知僉事千戶儀衛正副而已總兵官則有征虜大將軍左右副將軍左右副副將軍征虜將軍征虜前將軍征虜副將軍靖虜將軍平胡將軍平虜大將軍征西將軍征西前將軍平北將軍鎮朔大將軍鎮朔將軍平西將軍平羗將軍征南將軍征南副將軍征夷將軍征夷副將軍平賊將軍征戍將軍平蠻將軍征蠻將軍 太宗征安南益設神機將軍橫海將軍鷹揚將軍驍騎將軍輕車將軍及各邊設遊擊將軍嘉靖幸楚設都護將軍都護副將軍定兵制增神樞營佐擊將軍

按征蠻已前無員額無品秩或公侯伯或都督領之
有事則設事已則罷及今遼東宣府大同寧夏甘肅
延綏湖廣雲南兩廣樞甚重可生殺人此外又有管
大漢將軍管紅盔將軍蓋宿衛之帥云

武廟自稱威武大將軍江彬許泰爲左右副將軍

太祖官制後革者

中書省左右丞相平章政事左右丞叅知政事叅議
左右司郎中四輔官員外郎太史令弘文館學士翰
林承旨起居注太子贊善大夫閣門大使秘書監少
監考功監令監丞左右拾遺左右諫院正言司諫符

璽郎六科庶吉士回回監正副營田使東宮率府左右率左右副使王府相傳武傳六科庶吉士大元帥大總管五軍斷事後俱易名

陞降品級

樞密院改都督府陞一級爲正一品使郎左右都督同知院事郎都督同知僉院郎都督僉事院判無御史臺改都察院降一級御史大夫郎左右都御史中丞郎副都御史侍御史郎僉都御史詹事院改府知院爲詹事同知及副詹俱爲少詹事儀禮司改鴻臚寺太常司改太常寺司天監改欽天監行中書省改

布政司降三級行樞密院改都司降一級肅政廉訪
司改按察司原品六部舊三品陞二品翰林院舊三
品降五品六科舊四品爲九品已後陞七品尚寶寺
改司舊三品降五品

建文中官制

六部尚書陞正一品增侍中正二品所屬革去清吏
二字戶刑二部改爲四司工部增照磨所兵部革典
敎所戶部革贓罰庫都察院改爲御史府裁減十三
道爲左右兩院正二十八員改通政司爲寺使及通
政叅議爲卿少卿丞翰林復學士承旨存學士上改

講讀學士爲文學博士設文翰文史二館文翰館居
侍講侍讀侍書五經博士典籍待詔侍書正七品郎
中書舍人也文史館居脩撰編脩檢討改孔目爲典
簿又增設文淵閣待詔拾遺補闕增五軍斷事五軍
制祿倉庫大理寺左右寺正寺副增本寺首領官增
太常寺典禮郎二員太祝一員光祿寺少卿舊五品
陞四品寺丞舊六品陞五品增司圃所改司牲司爲
孳生所太僕寺丞舊六品陞五品增錄事及典廐典
牧二署驢驘等十八羣滁陽等八牧監龍山等九十
二羣管鴻臚少卿從五陞正五寺丞從六陞正六車

司賓司儀二署而陞鳴贊序班品單行人司止以行人隸鴻臚陞國子監丞爲堂上官欽天監增五官監候增選士院及應天府知候所改五城指揮爲兵馬陞各衛經歷品級增四十四衛武學及錦衣衛帶管武學教授增各王府賓輔伴書布政司陞正二品自使至叅議俱陞一級提刑按察司爲肅政廉訪司

偶有問巡撫所始者記會典始末樂十九年然不得其實也聖政記志之

末樂十九年勅吏部尚書蹇義給事中馬俊往直隸應天等府州尚書金純給事中葛紹祖往四川都御

史王彰給事中王勵往河南都御史虞謙給事中許能往浙江侍郎郭進給事中章雲往江西侍郎楊勉給事中徐初往福建侍郎郭敦給事中陶衍往順天等府州侍郎李杲給事中劉渙往山東少卿周納給事中劉蓋往湖廣大理寺丞郭瑄給事中艾一往廣東大理寺丞孫時給事中蕭奇往山西通政叅議朱侃給事中楊春往廣西共二十六人巡行天下撫安軍民

添設提學官

宣德間用少保黃福言添設提學官權兩浙鹽運同

知胡軫爲副使鬱林知州劉軋監察御史薛瑄高超
工部郎中高志吏部主事歐陽哲修撰王鈺編修彭
琉檢討陳祚康振國子學正莊觀俱僉事湖廣檢校
程富建寧教授彭勗俱御史軫浙江軋湖廣瑄山東
超福建志山西哲河南鈺江西琉廣東瑄廣西振四
川觀陝西富北直隸勗南直隸

兵制

永樂中兵制五軍營中軍左掖右掖左哨右哨管操
練京衛及中都山東河南大寧三都司輪班騎步兵
千二營管隨駕騎兵圍子手管上直義刀手及京衛

步兵幼官舍人營管京衛幼官應襲舍人殫忠效義
營管京衛報效舍人餘丁俱以公侯伯都督都指揮
領之三千營一司管執大駕龍旗寶纛負御寶及兵
仗局什物上直軍一司管左右二十隊勇字旗大駕
旗纛金鼓上直軍一司管傳令營旗牌御用監盔甲
尚冠尚衣尚履什物上直軍一司管執大駕勇字旗
五軍紅盔貼直上直官軍一司管殺虎手馬轎及前
哨馬營上直明甲官軍隨侍東宮官舍遼東備禦軍
神梳營中軍左掖右掖左哨右哨管操演神銃神砲
火器五千下管操演火器及護衛騎兵初止以英國

公安遠寧陽陽武等侯爲總兵官後添設提督坐營
監鎗大監景泰中土木變後兵漸耗散選軟用兵部
尚書于謙議擇三大營精銳騎兵十萬分爲十營團
操以備警急是爲團營而以謙總督武清侯石亨昌
平侯楊洪安遠侯柳溥爲總兵太監吉祥等監之餘
步騎仍歸三營曰老營天順初罷八年復置成化初
罷三年復置分爲十二營凡十二萬人曰奮武耀武
練武顯武敢勇果勇效勇鼓勇立威伸威揚威振威
十二營內各分五軍三千統騎兵神機統火器而以
撫寧侯朱永定襄伯郭登懷寧侯孫鏜總之營務惟

撫寧侯最久凡三十餘年而英國公懋自五軍營來代英國頗老成不朘削士而監軍大璫谷大用陸闇等橫甚不制也嘉靖初用武定侯爲帥故太監張永尚書李承勛監之張李宿將頗亦欲更定振作與武定不相能繼以疾卒而兵政益大廢弛矣時虜報歲急團營見兵少乃僅遷三萬騎聽征號曰東西二官廳各都督一人總之而團營所餘者非老弱則入中貴元帥私家矣提督凡有三曰太監曰公侯曰尚書尚書或專設或部事兼理庚戌虜變後侍郎王邦瑞極言利弊詔勒太監高忠等歸內總兵官朱希忠陳

總聽辭任改京營總兵曰總督戎政官以咸寧侯仇鸞領之專設侍郎一人協理罷十二營併爲三大營曰五軍營副將一員叅將四員遊擊將軍四員三千營曰神樞營副將一員佐擊將軍六員神稅營副將一員佐擊將軍六員練勇叅將六員

洪武九年定諸王公主歲供之數

親王歲支米五萬石鈔二萬五千貫錦四十疋紵絲三百疋紗羅各一百疋絹五百疋冬夏布各一千疋綿二千兩鹽二百引茶一千斤馬匹草料月支五十匹其段疋歲給匠料付王府自造靜江王歲米二萬

石鈔一萬貫餘物比親王減半馬匹草料月支二十
疋公主未受封每歲支紵絲紗羅各一十疋絹及冬
夏布各三十疋綿二百兩已受封賜莊田一所計歲
收米一千五百石鈔二千貫親王子男未受封歲支
紵絲紗羅絹冬夏布綿同公主未封例女未封者減
半男已封郡王者歲支米六千石鈔二千八百貫錦
一十疋紵絲五十疋羅二十五疋絹及冬夏布各一
百疋綿五百兩鹽五十引茶三百斤馬匹草料每月
支十疋女已受封及已嫁者歲支米一千石鈔一千
四百貫其段疋於所在親王國帶造皇太子次子旣

封郡王後侯出閣歲支與郡王同女及嫁者與郡王
已封女同及香會典所載周王二萬石襲封萬二千
石秦晉楚蜀慶魯寧潘趙鄭襄荆淮德秀崇吉徽興
岐益衡雍壽汝涇榮王一萬石代王六千石唐王五
千石遼韓伊王二千石岷王千五百石肅王一千石
與前迥異豈非慮宗支蕃衍爲試貢之地耶然中間
差等不一如肅王之千石反不如初封之郡王尚
有二千而岷府之郡王五百石更不如本府之鎮國
尚有一千此最不可曉者又惟周王本色二萬石或
以太宗母弟之故至其子孫尚存萬二千則秦晉二

王獨非太宗之母兄乎

二祖公主所適

太祖長女臨安公主駙馬都尉李祺第二女寧國太
長公主梅殷第三女未適夭第四女安慶公主歐陽
倫第五女汝寧公主陸賢第六女懷慶大長公主未
春侯王寧第七女大名大長公主李堅第八女福清
公主張麟第九女壽春公主傅忠第十女未詳第十
一女南康大長公主胡觀第十二女未嘉大長公主
郭鎮第十三女未詳第十五女汝陽大長公主
謝達第十六女寶慶大長公主趙輝 太宗長女未

安公主廣平侯袁容第二女永平公主富陽侯李讓
第三女安成公主西平侯宋琥第四女咸寧公主西
平侯宋瑛第五女常寧公主沐昕

宮中女官之制

太祖初年定者凡六局一司官七十五人女使十八
人局曰尚宮尚儀尚服尚食尚寢尚功司曰功正俱
正六品尚寶局總行六尚之事凡出納文籍皆印署
之如六局徵取於在外諸司尚宮領旨署牒用印付
內使監受牒行移在外諸司尚宅二人掌導引中宮
總司紀司言司簿司闈之事司紀二人掌印宮內諸

司出入簿書文字司言二人掌賓傳奏啓之事司簿
二人掌宮人名籍廩賜之事司闈四人掌宮闈管鑰
之事女使六人通掌文案尚儀局尚儀一人掌禮儀
起居總司籍司樂司賓司贊四司之事司籍四人掌
經籍圖書教授之事司樂二人掌音樂之事司朝四
人掌朝見宴會之事司贊四人掌賓會贊襄之事女
使三人通掌文案尚服局尚服一人掌宮內服用總
司寶司衣司仗司飾四司之事司寶二人掌寶璽符
契司衣二人掌衣服首飾司仗四人掌羽儀仗衛司
飾二人掌巾櫛梳洗女使二人通掌文案尚食局尚

食一人掌宮內膳總司饌司醞司樂司供四司之事
司饌四人掌烹炮調和飲膳之事凡進飲食先嘗之
司醞二人掌醞酒醴司藥二人掌醫藥司供二人掌
給宮人廩餼薪炭之事女使二人通掌文案尚寢局
尚寢一人掌燕寢總司設司輿司苑司燈四司之事
司設四人掌帷帳裯禱灑掃鋪設司輿二人掌輿輦
司苑二人掌種植蔬果之事司燈四人司燈燭女使
二人通掌文案尚功局尚功一人掌督女工總司製
司珍司綵司計四司之事司製四人掌裁衣服司珍
二人掌珍玉寶貨司綵二人掌段疋司計二人掌尚

功局度支衣服飲食薪炭之事女使二人通掌文案
宮正司宮正二人掌戒今責罰之事女使二人通掌
文案

洪武二十八年重定宮官六尚品職及內官監
司庫局與諸門官并東宮六局王府承奉等
官職秩

尚宮局尚宮二人正五品掌導引中宮總司記司言
司簿司闈四司之官屬凡六尚事物出納文籍皆印
署之司記二人正六品典記二人正七品掌記二人
正八品司紀掌印宮內諸司簿書出入錄目審而付

行典記掌記佐之女史六人掌執文書司言二人正六品典言二人正七品掌言二人正八品司言掌宣傳奉啓之事典言掌言佐之女史四人掌執文書司簿二人正六品典簿二人正七品掌簿二人正八品司簿掌名籍廩賜之事典簿掌簿佐之女史六人掌報文書司闈六人正六品典闈六人正七品掌闈六人正八品司闈掌宮闈管鑰之事典闈掌闈佐之女史四人掌執文書尚儀局尚儀二人正五品掌禮樂起居總司籍司樂司賓司贊四司之官屬司籍二人正六品典籍二人正七品掌籍二人正八品司籍掌

經籍教授筆札几案之事典籍掌籍之佐女史十人掌

執文書司樂二人正六品典樂四人正七品掌樂四

人正八品司樂掌率樂人習樂陳縣拊擊進退之事

典樂掌樂佐之女史二人掌執文書司賓二人正六

品典賓二人正七品掌賓二人正八品司賓掌朝見

宴會賞賜之事典賓掌賓佐之女史二人掌執文書

司贊二人正六品典贊二人正七品掌贊二人正八

品司贊掌朝見宴會贊相之事典贊掌贊佐之女史

二人掌執文書彤史二人正六品掌后妃羣妾御於

君所書其月日尚服局尚服二人正五品掌供內服

用采章之數總司寶司衣司飾司仗四司之官屬司
寶二人正六品典寶二人正七品掌寶二人正八品
司寶掌寶符契圖籍典寶掌寶佐之女史四人掌執
文書司衣二人正六品典衣二人正七品掌衣二人
正八品司衣掌衣服首飾典衣掌衣佐之女史二人
掌執文書司飾二人正六品典飾四人正七品掌飾
二人正八品司飾掌膏沐巾櫛器玩之事典飾佐之
女史二人掌執文書司仗二人正六品典仗二人正
七品掌仗二人正八品司仗掌羽輿仗衛之事典仗
掌仗佐之女史二人掌執文書尚食局尚食二人正

五品掌供膳羞品齊之數總司膳司醞司樂司饎之
官屬凡進食先嘗之司膳四人正六品典膳四人正
七品掌膳四人正八品司膳掌割烹煎和之事典膳
掌膳佐之女史四人掌執文書司醞二人正六品典
醞二人正七品掌醞二人正八品司醞掌酒醴馳飲
之事典醞掌醞佐之女史二人掌執文書司藥二人
正六品典藥二人正七品掌藥二人正八品司藥掌
醫方藥物之事典藥掌藥佐之女史四人掌執文書
司饎二人正六品典饎二人正七品掌饎二人正八
品司饎掌給官人廩餼新炭之事典饎掌饎佐之女

史四人掌執文書尚寢局尚寢二人正五品掌燕寢
進御之次序總司設司輿司苑司燈四司之官屬司
設二人正六品典設二人正七品掌設二人正八品
典司設掌帷帳裯席灑掃張設之事典設張設佐之
女史四人掌執文書司輿二人正六品典輿二人正
七品掌輿二人正八品司輿掌輿輦繖扇羽儀之事
典輿掌輿佐之女史二人掌執文書司苑二人正六
品典苑二人正七品掌苑二人正八品司苑掌園苑
種植蔬菜之事典苑掌苑佐之女史二人掌執文書
司燈二人正六品典燈二人正七品掌燈二人正八

品司燈掌燈燭膏火之事典燈掌燈佐之女史二人
掌執文書尚功局尚功二人正五品掌女功之程課
總司製司珍司綵司計四司之官屬司製二人正六
品典製二人正七品掌製二人正八品司製掌衣服
裁製縫線之事典製掌製佐之女史四人掌執文書
司珍二人正六品典珍二人正七品掌珍二人正八
品司珍掌金玉寶貨之事典珍掌珍佐之女史六人
掌執文書司綵二人正六品典綵二人正七品掌綵
二人正八品司綵掌綵物繒錦泉之事典綵掌綵佐
之女史六人掌執文書司計二人正六品典計二人

正七品掌計二人正八品司計掌度之衣服飲食薪炭之事典計掌計佐之女史四人掌執文書官正司宮正一人正五品掌糾察宮闈責罰戒令之事司正二人正六品典正四人正七品女史四人掌執文書內官監十一曰神宮曰尚寶曰孝陵神宮曰尚膳曰尚衣曰司設曰內官曰司禮曰御馬曰印綬曰直殿監皆設太監一人秩正四品左右少監各一人秩從四品左右監丞各一人秩正五品典簿一人秩正六品神宮監掌灑掃太廟殿庭廊廡尚寶監掌御寶璽教符將軍印信孝陵神宮監掌灑掃殿庭及栽種菓

木蔬菜之事尚膳監掌供養奉先殿并御膳與宮內
食用之物及督光祿寺供奉宮內諸筵宴飲食之事
尚衣監掌御用冠冕袍服履舄靴襪之事司設監掌
御用車輿牀榻衾褥帳幔諸事內官監掌成造婚禮
奩冠舄傘扇衾褥帳幔儀仗及內宮內使貼黃諸造
作并宮內器用首飾與架閣文書諸事司禮監掌冠
婚喪祭禮儀制帛與御前勘合賞賜筆墨書畫并長
隨當差內使人等出門馬牌等事及督光祿寺供應
諸筵宴之事御馬監掌御馬及諸進貢并典牧所關
收馬騾之事印綬監掌誥券貼黃印信選簿圖畫勘

合符驗信符諸事直殿監掌灑掃殿庭樓廊廡之事
又設長隨奉御秩正六品各門官七掌晨昏啓閉關
防出入曰午門曰東華門曰西華門曰玄武門曰奉
天門曰左順門曰右順門每門皆設二人門正一人
秩正四品門副一人秩正從四品設司二曰鐘鼓曰
惜薪司皆設司正一人秩正五品左右司副各一人
秩從五品鐘鼓司掌祭樂及御樂并內宮宴樂與更
漏早朝鐘鼓諸事惜薪司掌宮內諸處柴炭之事局
庫九局有六兵仗曰內織染曰計工曰巾帽曰司苑
曰酒醋麪庫有三曰內承運曰司鑰曰內府供用每

局庫皆設大使一人秩正五品左右副使各一人秩正五品兵仗局掌御用兵器并提督役造作刀甲之類及宮內所用梳篦之刷牙計剪諸物內織染局掌染造御用及宮內應用段疋絹帛之類計工局掌成造諸婚禮服裳付內官監收用及造內官諸人衣服鋪蓋諸事巾帽局掌造內官諸人紗帽靴襪及預備賞賜巾帽諸事司死局掌宮內諸處蔬果及種田之事酒醋麪掌內官諸人食用酒醋麪糖諸物內承運庫掌收支段疋金銀珠玉象牙諸寶貨之物及同司鑰庫掌鈔錠之數司鑰庫掌各門鎖鑰及收支錢鈔

之事內府供用庫掌御用香米及內用香燭油米并
內官諸人飲食菓實之類其東宮典璽典藥典膳典
服典丘典乘六局各設局郎一人秩正五品局丞二
人秩從五品惟典璽局增設記事奉御秩正六品典
璽局掌璽寶翰墨諸事典藥局掌同御醫修合藥餌
供進湯液之事典膳局掌供進膳羞典服局掌冕弁
冠帽袍服佩刀靴襪諸物典丘局掌甲冑戈矛弓矢
刀劍諸物典乘局掌車馬之事其親王府承奉司掌
王府諸事凡事則呈長史司并護衛指揮使司行之
與內官衙門不相統攝設承奉正秩正六品承奉副

秩從六品所三曰典寶曰典膳曰典服典寶掌王之寶設典寶正一人秩正六品副一人秩從六品典服掌冠冕袍服諸事設服正一人秩正六品副一人秩從六品門官二人掌王城宮殿門啓閉關防出入設門正秩正六品門副秩從六品設內使十人司冠一人司衣三人司佩一人司履一人司藥二人司矢二人又各公主位下設中使司掌府中諸事司正司副各一人皆雜職

紀錄彙編卷之一百五十九

鳳洲雜編六

王世貞

古賞格最重覆軍破城者至黃金千斤綵帛萬段我朝規制最爲不浮今得而畧志之

太祖破陳友諒降武昌賞常遇春廖永忠田土餘有差

吳元年平張士誠賞格

召見右相國徐達等戟門封達信國公綵段十二表裏遇春鄂國公十表裏都督馮宗異平章胡廷瑞九

表裏平章湯和叅政曹良臣八表裏右丞廖永忠華
高都督康茂才七表裏叅政薛顯趙庸副都督梅思
祖汪興祖六表裏指揮人五千戶人四百戶人三軍
士米一石鹽十斤

洪武三年賞平中原將士功

大將軍達白金五百兩文幣五十表裏副將軍遇春
同副將軍馮宗異白金三百兩文幣三十表裏右丞
薛顯叅政傅友德同平章曹良臣白金二百五十兩
文幣二十表裏平章韓政幣同良臣金殺其十三平
章俞通源右丞梅思祖叅政陸聚都督副使顧時白

金一百五十兩文幣殺政二叅政陸仲亨文幣十二
表裏左丞王傳及各衛指揮七千戶衛鎮撫六百戶
所鎮撫四旗軍總旗米三石白金三兩三錢小旗米
三石白金三兩二錢小旗米同總旗白金減一錢軍
米同小旗白金又減二錢

征南功

御史大夫湯和白金二百五十兩文幣十五表裏平
章廖永忠都督吳禎金同文幣殺五等

守禦功

平章楊璟胡廷美白金二百五十兩文幣二十表裏

左丞周德興金同文幣殺其三都督同知張興祖白金二百兩文幣同德興叅政朱亮祖張彬戴德僉都督郭子興陳德白金三百兩文幣十五表裏僉都督華雲龍金殺其半無文幣各衛指揮至所鎮撫興從征同

洪武四年賞平蜀功

穎川侯傅友德德慶侯廖永忠白金二百五十兩綵段二十表裏濟寧侯顧時白金一百五十兩綵段十五表裏臨江侯陳德白金一百兩綵段十二表裏都督同知汪興祖戰歿同中山侯湯和綵段十五表裏

都督僉事王簡何文輝藍王張溫金朝與白金五十
兩綵段十表裏鞏昌侯郭子興江夏候周德興綵段
十二表裏南安侯俞通源宣寧侯曹良臣僉都督陳
桓殺其二僉都督王成仇成葉昇又殺其三汝南侯
梅思祖又殺其二凡從潁川侯指揮人綵段八表裏
千百戶衛所鎮撫六總旗白金十二兩小旗十一兩
軍十兩從德慶指揮人綵段六表裏千百戶衛鎮撫四
百戶所鎮撫三總旗白金十兩小旗九兩軍八兩從
中山指揮至百戶遞城一表裏軍校遞城一兩從未
嘉政保寧者同至重慶遞城一等軍校城半不從入

關及守船患病者千百戶一表裏旗軍白金二兩軍病自河南還者與錢千八百自臨潼還者二千四百自西安還者三千六百自秦州還者四千八百自階州還者六千陣亡者倍前給白金溺墜病死者與見軍同

洪武三年大封功臣

李善長徐達文綺帛各百疋常遇春馬勝八十疋李文忠鄧愈四十疋中山侯湯和等二十八侯各四十疋臨濠地若干頃佃戶及守墳儀仗戶各有差

洪武十七年平雲南功賞格

穎川侯傅友德進封公永昌侯藍王安慶侯仇成定
遠侯王弼許世襲加祿五百都督陳桓胡海郭英張
翼俱封侯餘將士遞遷有差總兵而下人賞錦繡雜
綵二十表裏鈔一百錠

洪武二十年破北虜功賞格

大將軍藍玉白金二千兩鈔一千錠文綺五十疋副
將軍唐勝宗郭英白金一千兩鈔四百錠文綺三十
疋左叅將王弼白金一千兩鈔八百錠文綺四十疋
右叅將孫恪白金五百兩鈔三百錠文綺十五疋都
督徐司馬等六人各白金四百兩鈔一百錠文綺八

疋指揮使蕭綺等八人各金三百兩鈔百五十錠文綺四疋指揮同知陳鏞等十人白金二百五十兩鈔百四十錠文綺五疋指揮僉事張敬等三十五人白金二百兩鈔百三十錠文綺四疋千百戶鎮撫各有差按賞格唯此最重云

末樂元年靖難功賞格

都督丘福朱能進封公白金四百兩綵幣四十表裏鈔四千貫僉都督張武陳圭鄭亨孟善火真顧成王忠徐忠張信李遠郭亮陳旭房寬都指揮張輔房勝孫岩駙馬王寧進封侯白金三百五十兩綵段三十

表裏鈔三千貫僉都督徐理唐雲都指揮徐祥李濬
白金三百兩綵段二十五表裏鈔三千五百貫僉都
督劉才白金二百五十兩綵段十六表裏鈔三千貫
指揮張興金綵同鈔二千貫曹國公李景隆白金綵
段鈔同丘福兵部尚書茹瑺都督同知王佐僉事陳
白金三百兩綵段二十表裏鈔二千五百貫儀制
正張成白金二百兩綵段十表裏鈔一千五百貫餘
有差

永樂五年先賞平安南功

都督柳升白金二百兩鈔一千錠綵幣十表裏織金

紵衣一襲都指揮魯鱗白金一百五十兩綵幣八表
裏衣同獲黎季犁爲首軍人王柴胡陞指揮使白金
二百兩鈔六百錠綵幣五表裏織金紵絲衣一襲級
金花帶一爲從者李福等四人皆陞僉指揮白金一
百兩鈔四百錠綵幣四表裏織金紵絲衣四襲素帶
一獲黎澄爲首者李保保陞賞如李福爲從者張榮
祖等三人陞正千戶白金五十兩鈔三百錠綵幣二
表裏織金紵絲衣一襲級花銀帶一條獻俘官指揮
使張勝等白金一百兩鈔四百錠綵幣六表裏織金
紵絲衣一襲護送官及軍人醫者三百六十五人鈔

幣有差

永樂六年大賞平安南功

英國公張輔賜冠服白金四百兩鈔一千錠綵幣四十表裏黔國公沐晟冠服白金鈔同幣殺其二豐城侯李彬雲陽伯陳旭白金二百兩鈔六百錠綵幣十五表裏清遠侯王友賜冠服白金一百五十兩鈔四百錠綵幣十表裏安遠伯柳升白金減王友十五之一鈔幣同右都督朱榮白金一百兩鈔二百錠綵幣八表裏贈建平伯高士文同柳升

永樂十三年賞重破安南功

英國公輔黔國公晟白金五百兩鈔二千錠綵幣五十表裏都督朱廉方政江浩白金五十兩鈔三百錠綵幣五表裏都指揮師祐減一等都指揮師祐金幣又減一等鈔一百六十錠都指揮陳濟等五員白金二十五兩鈔一百四十錠綵幣二表裏胡通海等白金二十兩鈔一百二十錠綵幣一表裏擒鄧景寅指揮陶弘等白金三十兩鈔二百錠綵幣三表裏織金紵絲一襲爲從者金幣減三之一衣鈔同百戶路坦等金幣減三之二衣鈔同

末樂八年賞征北將士

總兵官鄭亨白金三百五十兩綵幣十二表裏鈔六
百錠安遠伯柳升白金三百兩綵幣十表裏鈔五百
錠餘皆如賞格

永樂十年賜忠勇王金忠

誥命鐵券金印公服朝服玉帶繡蟒衣黃金百兩白
金四百兩鈔二千錠紵絲五表裏縹羅各二十
疋鞍馬二匹牛百頭羊五百頭居第牀褥薪芻器用
咸備歲祿千石別賜其妻黃金五十兩白金百兩紵
絲二十表裏紗羅綾各十疋鈔千錠冠服全都督馬
台罕都指揮察罕下八員各白金五十兩鈔七百錠

錦衣一襲紵絲六表裏綿布三十疋指揮上各帖木
兒等三十員各白金三十兩鈔五百錠錦衣一襲紵
絲五表裏綿布三十疋百戶所鎮撫格干帖木兒等
二十五員各白金十五兩鈔三百錠錦衣一襲紵絲
三表裏綿布十五疋冠帶鞍馬牛羊薪芻居第以次
等

宣德中賞陽武侯薛祿等擊敗北虜功

薛祿加太保及副總兵吳克忠鈔四百錠綵幣六表
裏武進伯朱冕奉化伯滕定鈔三百錠綵幣二表裏
都督柴永正等六人各鈔三百錠綵幣一表裏都指

揮馬昇等并軍士一萬一千二百六十二人共鈔四十一萬八千二百三十錠絹五百八十五疋綿布一萬二千七百四十八疋

扈從北征平胡功

英國公張輔成國公朱勇忠勇王金忠各鈔六百錠白金三十兩綵幣三表裏陽武侯薛祿安順侯薛貴恭順侯吳克忠各鈔四百錠白金二十四兩綵幣二表裏清平伯吳成應城伯孫傑遂安伯陳瑛武進伯朱冕各鈔三百錠白金十兩綵幣一表裏中府都督同知任禮高文僉事李王李英左府左都督柴永正

右都督馬亮都督同知程忠婁里僉事吳也兒克胡
守義把敦右府左都督蘇火耳灰右都督蔣信郭志
滕定嚴宣前府都督同知馮斌僉事韓倍梁成後府
都督僉事沈清郭義馮與李通各鈔二百錠銀五兩
綵幣一表裏坐管定國公徐景昌鈔四百錠綵幣四
表裏西寧侯宋瑛等各鈔二百錠綵幣二表裏安鄉
伯張安鈔同綵幣殺一右都督冀傑鈔又殺半綵幣
同指揮以下及官軍十一萬五千七百八十九人賞
有差

賞寧夏獲虜寇功

總兵官史昭進右都督賞白金五十兩綵幣四表裏
叅將丁信僉都御史郭智白金三十兩二表裏偏頭
関破虜功總兵李謙爲左都督賞鈔三千貫紵絲四
表裏馬貴爲都指揮使鈔二千貫紵絲三表裏李庸
爲指揮使鈔一千貫二表裏獲首級百戶各鈔一千
貫一表裏總小旗各鈔七百貫絹布各二疋追獲馬
匹指揮鈔一千貫一表裏千百戶鈔七百貫絹三疋
總小旗軍鈔五百貫絹一布二奮力向前指揮各鈔
五百貫絹二疋千百戶旗軍各鈔三百貫絹二疋

討寧王賞格

領軍內官將官并提督巡撫等官督兵擒斬宸濠者俱封侯下手擒斬者陞五級本管千總官三級把總官二級管隊官一級督兵擒斬首惡主謀用事者一名陞一級武官至正一品文官至從一品止原係伯者五名以上進封侯左都督五名以上進封伯不及數者每一名本色俸一百二十石下手擒斬者每名爲首陞三級爲從陞二級本管千總每名陞一級把總每名陞一級管隊每名賞銀二十兩二名以上加賞四名以上遞陞二級督兵擒斬從賊二百名以上陞一級四百名以上陞二級隨伍軍人擒斬三名陞

一級六名陞二級而止二名賞銀十兩陣亡者陞實
授一級原無職役不願陞者賞銀十五兩陣陽回營
身故者陞署一級原無職役不願陞者賞銀十兩前
項俱世襲後王守仁等擒獲寧王有旨江西反賊勦
平地方安靖各該官員功蹟顯著你部裏旣會官集
議分別等第明白王守仁封伯爵給與誥券子孫世
世承襲照舊叅贊稅務伍文定陞右副都御史蔭子
孫世襲正千戶戴德孺陞三級邢珣徐璉各二級伍
希儒一級陳槐賞銀二十兩紵絲四表裏謝源吏部
陞用王守仁本當行取來京宴勞但先帝山陵甫

畢禮儀從省寫勅差行人前去慰諭賞銀一百兩紵
絲四表裏南京光祿寺辨宴內外守備并府部掌印
官侍宴按此與前格微不同矣

宣皇帝卽位賜藩封公主及在京官吏軍民等
物

周寧慶代藩五王各白金五百兩文綺二十表裏錦
五疋紗羅各二十疋堯羅錦五疋西洋布十疋鈔三
萬貫漢趙二王加黃金百兩餘同晉楚遼肅魯韓唐
伊蜀秦十王各白金三百兩文綺十表裏錦三疋紗
羅各十疋堯羅錦三疋西洋布五疋鈔二萬貫寧國

大名南康永嘉含山汝陽寶慶七太長公主及永平
永安咸寧三公主白金二百兩鈔萬貫其餘俱同十
王在京官吏軍民白金公百兩侯伯八十兩一品二
品六十兩三品三十兩四品二十兩五品十五兩六
品七品十兩八品九品雜職各五兩將軍旗軍校尉
聽選辦事優給官監生生員人才吏典僧道耆老醫
工廚樂人等四夷朝貢使各有差凡三十二萬九百
五十人白金五十六萬三千八百二十九兩

湖州府後學吳仕旦覆訂

建昌府督刊知事毛 禎

督寫檢校季士俊

對讀教授徐文淵

訓導陸懋宗

